


Tilmaamaha

Sida loo codeeyo



Si buuxda u buuxi goobaabinta ku ag taal dookhaaga.

Sida loo saxo khalad



Haddii aad saxid sameynayso, xariiq dulmari dookhaas oo dhan, oo ay ku jirto goobaabinta. Markaa kadib buuxi goobaabinta ku dhinac taal dookhaaga cusub.

Codeynta ka bilow halkan



Magaalada

Magaalada Seattle

Soo Jeedinta Lambarrada 1A iyo 1B

Soo Jeedinta 1A (oo ay soo gudbiyeen Codsiga Hindisaha Lr. 137) iyo Soo Jeedinta 1B (mid beddelaad ah oo ay soo jeediyeen Golaha Seattle iyo Duqa Magaalada) ayaa khuseeya maalgelinta kharashka canshuurta mushahar bixinta oo loogu talagalay Horumariyaha Guriyeynta Bulshada.

Soo Jeedinta 1A ayaa waxay canshuur ku soo rogi doontaa kharashyada mushahar bixinta ee loo-shaqeeyayaasha ka ganacsada Seattle. Heerka canshuurtu wuxuu noqon doonaa 5% oo ku aaddan magdhowga sannadlaha ah ee ka sareeya \$1,000,000 ee shaqaale kasta laga siiyo gudaha Seattle. Dakhliga ka soo gala ayaa taageeri doona Horumariyaha Guriyeynta Bulshada, oo ah hey'ad horumarinneed oo dadweyne oo loo abuuray horumarinta, lahaanshaha, iyo dayactirka guryaha bulshada ee Seattle. Canshuurta la soo rogay ayaa noqon doonta mid lagu sii daro canshuurta kharashka mushahar bixinta ee Magaalada ee lagu soo rogay Xeerka Dowladda Hoose ee Seattle Cutubka 5.38.

Si beddel ahaan, Golaha Magaalada Seattle iyo Duqa Magaalada ayaa soo jeediyay Soo Jeedinta 1B (Xeerka 127101), kaas oo qoondeyn doona \$10,000,000 oo ka mid ah dakhliyada canshuurta kharashka mushahar bixinta ee hore u jira ee shanta miisaaniyad sannadeedka ee soo socota si loo maalgeliyo Horumariyaha Guriyeynta Bulshada. Dakhliga ka soo baxa ayaa wuxuu taageeri doonaa helitaanka iyo horumarinta guriyeynta bulshada ee Seattle. Horumariyaha waa inuu codsadaa oo uu buuxiyaa shuruudaha qaarkood sida ay go'aamisay Magaaladu ka hor inta aan lacagta la bixin. Haddii kharashka loo qoondeeyay aan lagu bixin saddex sanno gudahood laga bilaabo markeedii ugu horeysay ee la qoondeeyay, waxay diyaar u yihiin inay taageeraan mashaariicda kale ee guryaha la awoodi karo.

1. Ma tahay in cabbiradaan midkood loo hirgeliyo sharci ahaan?

- Haa
- Maya

2. Iyada oo aan loo eegin inaad halka kore ku codeysay haa ama maya, haddii mid ka mid ah cabbiradaan loo hirgeliyo sharci ahaan, midkee bay noqon lahayd?

- Soo Jeedinta 1A
- Soo Jeedinta 1B

Codeynta ka sii wad
dhinaca kale



Dugsiga

Degmada Dugsiga Seattle Lr. 1

Soo Jeedinta Lr. 1

Beddelaadda Canshuurta ee Barnaamijyada Waxbarashada iyo Hawlgallada

Guddiga Agaasimeyaasha ee Degmada Dugsiga Seattle ayaa meel mariyay Qaraarka Lr. 2024/25-3 ee khuseeya soo jeedintaan si loo joogteeyo maalgelinta waxbarashada ee hadda jirta. Si loo sii wado barnaamijyada tayada sare leh ee aan gobolku maalgelin ama si buuxda loo maalgelin, tani waxay Degmada u oggolaanaysaa inay qaaddo canshuuraha dheeraadka ah ee soo socda oo beddelaysa canshuur wakhtigeedu dhammaanayso ee dhammaan hantida la canshuuri ee gudaha Degmada:

Sannadaha <u>Ururinta</u>	Qiimaha Canshuurta ee La Qiyaasay/\$1,000 Qiimeynta La <u>Qiimeeyay</u>	Caddadka <u>Canshuurta</u>
2026	\$0.78	\$250,000,000
2027	\$0.75	\$249,000,000
2028	\$0.72	\$248,000,000

sida lagu sheegay Qaraarka, waxay ku xiran tahay xaddidaadyada sharciga ah ee wakhtiga canshuurta. Ma tahay in soo jeedintaan la ansixiyo?

Haa

Maya

Degmada Dugsiga Seattle Lr. 1

Soo Jeedinta Lr. 2

Barnaamijka Dhisitaanka Heerka Sare (BEX) VI - Canshuurta Raasumaalka

Guddiga Agaasimeyaasha ee Degmada Dugsiga Seattle waxay codsanayaan ansixinta canshuurta raasumaalka sida lagu sharxay Qaraarka Lr. 2024/25-4. Soo jeedintu waxay beddelaysaa canshuur raasumaal ee wakhtigeedu dhammaanayso waxayna oggolaanaysaa inay qaaddo canshuuraha dheeraadka ah si ay u maalgeliso BEX VI ee badqabka iyo amniga, mashaariicda waxtarka tamarta, dhisitaanka ama dib u cusboonaysiinta ee halka shan dugsi, mashaariicda nidaamyada dhismaha iyo dayactirka weyn, iyo teknoolojiyada iyo mashaariicda kale ee Degmada oo dhan:

Sannadaha <u>Ururinta</u>	Qiimaha Canshuurta ee La Qiyaasay/\$1,000 Qiimeynta La <u>Qiimeeyay</u>	Caddadka <u>Canshuurta</u>
2026	\$0.93	\$300,000,000
2027	\$0.90	\$300,000,000
2028	\$0.87	\$300,000,000
2029	\$0.84	\$300,000,000
2030	\$0.81	\$300,000,000
2031	\$0.79	\$300,000,000

Ma tahay in soo jeedintaan la ansixiyo?

Haa

Maya

Dhammaadka Warqadda Codbixinta

[Ku codee labada dhinac ee warqadda codbixinta](#)